

Comunu de  
**Sètimu**  
Tzitadi Metropolitana de Casteddu  
**Pratza Sandro Pertini n. 1 09040 Sètimu**



C.F. 80004000925  
Tel. 070 76911 Fax 070 765687  
**giassu:** [www.comune.settimosanpietro.ca.it](http://www.comune.settimosanpietro.ca.it)  
**pec:** [protocollo@pec.comune.settimosanpietro.ca.it](mailto:protocollo@pec.comune.settimosanpietro.ca.it)

## **13-14 MARTZU: SCREENING “SARDUS E SIGURUS” IN SÈTIMU**

Tzitadinus istimaus,

pagora apu acabau un'atòbiu fatu i bideocunferèntzia e improntau da s'ATS cun totus is sùndigus de su territòriu.

Sa faina de s'atòbiu fiat cuncordai sa promotzioni de screenig anti Covid “ SARDUS E SIGURUS” improntada da sa Regioni de Sardigna e cordinada da su Prof. Andrea Crisanti, aundi si circat de isolai in manera lestra, casus de positividadi, po permiti de abasciai su spàinu de su virus, abetendi ca su vacinu siat stèrriu a totus is tzitadinus.

Po su chi pertocat su Comunu nostu, is test antigenicus, po totu sa popolazioni francu is chi funt in sa fàscia d'edadi 0-10 annus, ant a essi fatas in duas giorronadas, SÀBUDU E DOMÌNIGU 14 DE MARTZU da oras de is 8.30 a oras de is 17.45, pausa intre is oras 13.00 e 14.00 , cun una manera ca eus a nai in is diis afatantis.

Bollu marcai s'importàntzia de s'atividadis de screening po smenguai su spàinu de su virus intre sa popolazioni e fai a manera ca si potzat torrai a una vida normali, pruschetotu po cussas personas e po cussas atividadis ca funt paghendi caru diaderus is consequèntzias de custu impèstu.

In Sètimu eus giai sperimentau is efetus positivus de su screening, cun sa faina de is test improntada da su Comunu in su mesi de gennàrgiu. Est fintzas gràtzias a cussa faina ca oi teneus unu nùmeru bàsciu diaderus de personas positivas, in sa comunidadi nosta.

S'addisioni e sa partecipazioni a su screening at a essi a indonu.

Su Sìndigu, Gigi Puddu.